



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

მზიურა

მზიურა (ლათ. Inula). მცენარეთა გვარი რთულყვავილოვანთა ოჯახისა. მრავალწლოვანი, იშვიათად ორ- და ერთწლოვანი ბალახებია.

150-მდე სახეობა გავრცელებულია ევროპაში, აზიაში, აფრიკაში, განსაკუთრებით — ხმელთაშუაზღვისპირეთში. საქართველოში გვხვდება 13 სახეობა.

მ. იზრდება ბუჩქნარებში, ტყეებში, ტყისპირებზე, მდელოებზე, მაღალბალახეულობაში, მშრალ და კლდოვან ფერდობებზე. დას. საქართველოში ფართოდაა გავრცელებული კავკასიის ენდემი *I. magnifica*. სუბალპ. სარტყელში იგი ქმნის მაღალბალახოვან დაჭუფებებს. მ-ს გვარი აერთიანებს თაფლოვანი, დეკორატიული (*I. magnifica*) და სამკურნალო (*I. helenium*) მცენარეებს.
